

# 卷十六

書名 文潞公文集四十卷 嘉靖五年高陵呂氏刊本  
 撰者 宋 文彥博 撰，明 呂柟 校  
 卷 卷十六  
 內容分類 集-別集-北宋  
 索書號 集部-別集-3-28  
 編號 D7220100

彩色首頁1

東洋文化研究所漢籍目錄 編號: D7220100

東洋文化研究所漢籍目錄所藏漢籍善本全文影像資料庫 索書號: 集部-別集-3-28

漢籍善本全文影像資料庫本文潞公文集四十卷 嘉靖五年高陵呂氏刊本

版權所有: 東京大學 東洋文化研究所

使用上的注意事項

文潞公文集卷第一

古賦

聖駕幸太學賦并序

家以寰宇昭泰仍歲登平務恢儒風以章示黎獻  
 帝乃備法駕幸于太學詔諸儒博士講論前典親  
 聽焉臣獲逢休吉之期恭聞偉盛之事舞蹈不足  
 於賦誄誠不能述宣上德褒讚形容姑第樵夫之  
 不協擊轅之韻爾詞曰  
 受命之四葉皇上御極之三年九有成若六合  
 黎庶踏于壽域文教燭乎永天朝無闕政野無

乎臣復自念性本朴忠言多蹇拙幸得進對咫尺天  
威凡所敷陳或未詳盡臣嘗觀唐宰臣趙憬奏章欲  
上書論事其略曰稽顙丹陛仰對宸嚴蹇納易窮遽  
數難辯理詳則塵瀆頗甚言略則利害不分切聞正  
觀開元之際宰輔論事或多上書所冀獲盡情理時  
德宗嘉納之今臣之愚猶憬之志此後有面陳口奏  
頃刻之間或蹇納有所未盡事理有所未周即欲繼  
上奏封細陳理道上裨睿聖訪納之勤下盡微臣區  
區之蘊固不敢妄陳偏見亦不乞紹巾不出惟冀聖  
慈特賜詳擇

文路公文集卷第十六

奏議

乞知縣縣令不得閑慢公事差出慶曆八年

縣令為親民重任舊制不許差出蓋慮妨闕政事近  
歲以來諸路職司官多是將閑慢公事託以為名差  
遣出入頗妨本縣民政大抵皆是自便私故或即避  
見本任繁難朝廷累有約束未絕其弊倖臣欲乞今  
後知縣縣令除許差推勘重難刑獄及應副軍期差  
使或權知繁劇郡縣外更不得以閑慢公事差出仍  
今後凡差出知縣縣令並須依舊例具事由奏知如



差訖不奏或依前以閑慢公事差出知縣縣令其所  
差職司官吏並從違制分數定罪被差之官亦行斷  
罰所貴縣務別無妨闕民政得以脩舉取進止

此事最關民政承前雖有約束終未絕其弊  
今乞嚴行指揮

仁宗皇帝賜手詔

皇祐元年

朕據宸極之尊託億兆之工懋謹盈成之戒豈忘勵  
翼之懷然而監於猷為未臻古治動於精祲靡致善  
祥比來星文屢有謫見夙夜思省匪敢寧居蓋慮德  
政闕脩刑賞差盪人有寃滯而無控雪之路民已置

困而無寬恤之實官局具設而職務或弛典章備存  
而綱紀不振科役煩重肆成暴刻軍政簡惰莫為經  
制教令輕出有所未安賢智在下遺而弗舉姦倖安  
求而不抑惠澤旋壅而不流有一于茲是戾和氣朕  
深惟廟社之重祗荷祖宗之承欽畏天命詢敕人事  
嘉與近輔交脩儆闕庶荅靈戒以底休平宜令中書  
門下樞密院將此十二條於軍國庶務中推求實事  
有合更張振舉者密具條上朕當悉心詳究即議施  
行咨爾股肱咸體予意

荅御手詔

皇祐元年



臣等各以非才忝居大任不能裨補聖政燮和陰陽以致星文屢有變異下飭人事上貽聖憂陛下曲示包容未賜罷免責以來效使之極言詔旨丁寧睿思寬大跪受伏讀兢慙失圖恭以陛下克舜用心禹湯罪已欽若天戒增脩聖政彌災召和宜集休應聖詔曰德政闕脩刑賞差濫臣以謂刑不為貴近而屈賞不可僥倖而求則無差濫矣刑賞不濫則德政自脩又曰人有冤滯而無控雪之路民已匱困而無寬恤之實臣以謂人有冤滯必由郡縣及按察之司節級陳訴若猶未伸又許檢鼓槓訴固無壅遏之理然更

涇州郡官吏常得其人為之伸理則民絕冤滯矣今冗費無藝國用窘乏故歲一不登下民艱食雖欲恤之而力不足也若減不及之務罷無功之賞及兵籍官吏之浮冗者稍澄汰之則庶幾國用不乏則可以有恤民之實矣又曰官局具設而職務或弛典章備存而綱紀不振臣以謂為官擇人不使僥倖者求而得之久於其任考其殿最而升黜之無使屢遷速易不為苟簡之政則職務焉敢廢弛祖宗之法備在典冊舉而行之佯若甚易但不為權倖所撓則為至難苟上下一意守茲典章堅如金石行此號令信如四



時則綱紀振矣又曰科後煩重肆成暴刻軍政簡墮而莫為經制臣以謂前之所陳減不急之務罷無功之賞澄汰兵吏之冗則國用不之國用不之則可以有科後之煩重州郡官吏常得其人雖有科後亦不至於暴刻矣慎擇將帥稍假威權撫馭士卒不務姑息勿使貴臣驍將撓於其間則軍政自肅而有經制矣又曰教令輕出有所未安賢智在下遺而弗舉臣以謂令出惟行慎乎始出出而不慎故行之未安近歲以來茲弊頗甚由議臣輕建言而須必行行之無効而終無責或雖有嘉謀而事無近刻人之多言橫

為沮議朝廷不能持之故多中變條其事狀此類尤繁舉賢任官宰相之職宰相不能悉知其人但當慎擇臺省長官及州縣大吏使如近制各舉所知庶幾無遺才矣又曰姦倖妄求而不抑此正今之所患臣等繼日議之矣又曰惠旋壅而不流臣以謂朝廷推恩靡不下究然恐郡縣之吏不稱朝廷之意或逋負之物合除而未除流竄之人可釋而不釋如此類者更宜申明聖詔曰將此十二條於軍國庶務中推求實事有合更張振舉者密切條上朕當悉心詳究即議施行有以見陛下求治之心勤切之至所恨臣等



空踈不能上副好問雖然敢有罄竭愚短粗有所裨  
然今所陳乃其大略蓋慮繁詞終成虛語徒煩睿覽  
無補大猷臣等欲將十二條事舉一兩條細述合更  
張振舉事件逐時面奏委曲敷陳所冀言之必行行  
之必當斯亦舜禹臯陶吁謨都俞之義也臣等不勝  
區區聖詔曰德政闕脩刑賞差濫臣等近奏以謂不  
為貴近所屈賞不為僥倖所求則無濫矣臣等謂略  
舉一端如往年蘇舜欽劉巽以進奏院賽神輒用官  
錢即皆主除名去年曾奭宋永宗賽神亦用官錢其  
罰當與舜欽輩均而曾奭等上停見任近日史昭文

等以不覺察手下人吏收受稍場錢物衝替未得與  
差遣尋有監稍場官閻繼隆等切為昭文所發亦是  
不覺察專典收受一例衝替而昭文即時却與差遣  
其同事馮經亦連茹牽復而繼隆等衝替如故此蓋  
昭文曾奭輩以親近而從輕罰舜欽繼隆等以踈遠  
而受重責又去年親事官作過皇城司官吏當坐重  
責然皆是近臣貴戚止於降秩補外才逾年即皆復  
職或更遷官往年張沔以保州及李敷事降黜數經  
大報至今未復舊職言體則皇城司事為重議罪則  
張沔等輩為輕升擢廢棄理似未均不惟刑罰失平



實恐貴倖壞法臣等以謂今後用法理當振舉吏務  
均平賞典之濫則如近日司天監周琮李用晦止以  
選課日辰便乞轉官任子醫官別無勞績妄乞額外  
轉遷如馮琦潘象蘇惟和沈遇明之輩賴陛下聖斷  
皆與裁抑然未悉如先朝之制及前後條貫更欲申  
明遵守聖詔曰人有冤滯而無控雪之路臣等謂人  
有冤滯必由郡縣按察之官節級陳許若未申雪又  
許檢鼓院檄訴計無壅遏之理今欲更敕約轉運司  
提刑司凡有理許並令子細究詳如事理稍  
冤枉  
即選官就近覆勘勿令煩擾淹延免致貧窮無資不

能詣闕者抑而無告聖詔曰民已用匱而無寬恤之  
實又曰科役煩重肆成暴刻臣等以謂國有窘則科  
役煩科役煩則民困匱民力既困國用自乏雖欲恤  
民不可得也臣等請言其國用窘乏之由恭惟祖宗  
以來置兵與吏及賞賚賜予皆有定制量入以出故  
財不屈乏自康定用兵之後添募新兵幾四十萬數  
年以來雖逃亡減廢之外猶不減三十餘萬每歲所  
費衣糧錢物等共約三十萬貫匹兩石束賞賚之數  
不在焉蓋自慶二年後來添給二虜金帛每歲共四  
十餘萬匹兩加以頻遭水旱復除租賦則國用不得



不窘故國用窘則科役煩科役煩則民力困今將恤  
民之困窮寬民之科役正在省冗費而已省冗費之  
大者在減冗兵臣等已嘗奏述欲於今冬別立揀兵  
之格密降付逐路轉運使俟至春首依常年例計會  
帥臣同共依新格擇選老弱以減冗費其次則罷不  
急之士木停無功之賜予抑僥倖之求請省員外之  
冗官衣服用度務從敦質多方節約諸事簡儉年歲  
之間漸期足用國用既足則科役不煩則是恤民之  
實矣聖詔曰官局具設而職務或弛典章備存而綱  
紀不振臣等以謂官得其人職務自舉選才任官正

是臣等之責若官湏擇人不甚拘以資他事湏實當  
時校其殿最三載考績必行黜陟百官脩飾孰敢懈  
弛臣等請略舉其弊只如省府之官及外計之任近  
歲以來遷改頗速有如倣道豈暇舉職所以務為一  
切苟簡之政而職不得弛臣等欲乞更頒詔敕  
約束中外之官必須二年之外方許遷替考其殿最  
而升降之若持較擢才則不在茲限典章者朝  
廷之大法祖宗之舊制舉而行之執而用之豈有綱  
紀不振哉蓋近歲以來緣貴倖之臣墮大法壞舊制  
者多矣臣等略舉其尤者祖宗之制官有定員今員



外而置官者多矣如勾當皇城軍頭司及醫官使副之比是矣又俸祿之法各有定制等級賦與固不可差今則有任觀察使而請舊額俸者如此之類其徒寔繁臣等欲乞今後更不益舊額而置官逾本官而受俸一守祖宗舊制不為貴倖所侵則綱紀振矣乞特頒一詔敕處分聖詔曰軍政簡隨而莫為輕制臣等嘗謂慎擇將帥不務姑息勿使貴臣驕害之軍政自肅矣聖詔曰教令輕出有所未安臣等嘗謂慎乃出令令出惟行若輕出之必有未允則數易屢改此為政之大弊若近日越令益濫為弊不細而建言

者謀之不臧未嘗有責此所以致輕改作而易受弊也往年建言諸州招刺義軍去歲即揀配諸軍人心騷然其始不能詳慎致不數年便有改易臣略舉此數條蓋事之稍大者聖詔曰賢智在下遺而弗舉臣等嘗謂舉賢擇才輔臣之職輔臣之不能悉知衆才惟當慎擇臺省長官州郡大吏使如近制各舉所知庶幾無遺才矣然臣等敢不益勵蠢愚博求才智將期得士之美上副任賢之心聖詔曰姦倖妄求而不抑臣等以謂近臣貴戚醫工卜祝及諸司人吏因緣請託妄求微勞希求內降如此之類盡守制一切裁



抑則官邪之蹊可以漸塞聖詔曰惠澤旋壅而不流臣等嘗謂凡有推恩靡不下究猶恐州郡之吏不稱朝廷之意或補負之物當除而未除流竄之人可釋而不釋臣等欲乞應經前年大赦合放負欠物色如省司以未見保明文字州郡以未受朝省指揮至今尚行催理者速令勘會依赦蠲除編醜之人除屬揀選路分外有已經量移情理輕者令具元犯奏聞者詳依赦釋放

文潞公文集卷第十六

文潞公文集卷第十七

奏議

乞令團結秦鳳涇原蕃部

臣切見秦鳳涇原沿邊熟戶蕃部比諸路最多至秋成以來禾稼牛羊滿野以致餌寇誨盜臣乞下逐路經略使每至秋成以前散差得力知蕃情使臣牙檢賫番字委曲曉諭部族逐急蚤收田稼憑附險固窖藏斛斛收拾老小牛羊為清野之計其強壯人馬各令常切團結探候蕃寇若來鈔掠量方禦敵敢進止乞指揮諸路帥關報事止